



Bosnia and Herzegovina  
Federation of Bosnia and Herzegovina

CANTON SARAJEVO  
ASSEMBLY

Nezavisni odbor

Broj: 01-04-476-15/23

Sarajevo, 27.04.2023. godine

SKUPŠTINA KANTONA SARAJEVO

OVDJE

***PREDMET: Izvještaj o radu Nezavisnog odbora za period juli-decembar 2022. godine - dostavlja se;***

Nezavisni odbor je na sjednici održanoj dana 27.04.2023. godine, razmatrao Izvještaj o radu Nezavisnog odbora za period juli-decembar 2022. godine, a u skladu s članom 34. st.4. Zakona o unutrašnjim poslovima Kantona Sarajevo ("Službene novine Kantona Sarajevo" broj:1/16, 26/19,31/19 i 39/20), te isti dostavlja Skupštini Kantona Sarajevo, na razmatranje.

**PREDSJEDAVALAČI NEZAVISNOG ODBORA**

**Adis Šečić**



Na osnovu člana 34. st.4. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16, 26/19, 31/19 i 39/20) i člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22), Skupština Kantona Sarajevo na sjednici održanoj dana \_\_\_\_\_ .2023. godine, donijela je sljedeći;

## ZAKLJUČAK

Usvaja se Izvještaj o radu Nezavisnog odbora za period juli-decembar 2022. godine.

Broj:  
Sarajevo, \_\_\_\_\_ .2023.godine

PREDSJEDAVAJUĆI  
SKUPŠTINE KANTONA SARAJEVO

Elvedin Okerić



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)

**IZVJEŠTAJ**  
**o radu Nezavisnog odbora za period juli – decembar 2022. godine**

Sarajevo, april 2023. godine



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)

Na osnovu člana 33. stav (1) tačka h) i člana 34. stav (4) Zakona o unutrašnjim poslovima Kantona Sarajevo („Službene novine Kantona Sarajevo“ broj: 1/16, 26/19, 31/19 i 39/20) i člana 8. stav 9. Poslovnika o radu Nezavisnog odbora ("Službene novine Kantona Sarajevo", br.: 13/22), Nezavisni odbor na sjednici održanoj dana 27.04.2023. godine, Skupštini Kantona Sarajevo, podnosi;

## **IZVJEŠTAJ** **o radu Nezavisnog odbora za period juli – decembar 2022. godine**

### **I- Uvod**

Nezavisni odbor imenovan je Odlukom o imenovanju Nezavisnog odbora Skupštine Kantona Sarajevo broj:01-04-5642/22 od 22.02.2022. godine (u daljem tekstu Nezavisni odbor), a isti je u novom sazivu počeo sa radom 02.03.2022. godine.

U izvještajnom periodu Nezavisni odbor obavljao je poslove i zadatke u punom sazivu. U Nezavisni odbor imenovano je sedam članova predstavnika iz reda građana. Mandat članova Nezavisnog odbora traje 4 (četiri) godine.

Nezavisni odbor je u periodu juli - decembar 2022. godine obavljao poslove u skladu sa Zakonom o unutrašnjim poslovima Kantona Sarajevo, Zakonom o policijskim službenicima, Poslovníkom o radu Nezavisnog odbora, kao i drugim relevantnim zakonima i podzakonskim aktima.

U nadležnosti Nezavisnog odbora je da:

- (1) raspisuje i provodi Javni konkurs za imenovanje policijskog komesara;
- (2) vrši selekciju i predlaže listu kandidata za izbor policijskog komesara Vladi Kantona koju dostavlja posredstvom ministra;
- (3) prati rad policijskog komesara, nadzire primjenu ovlaštenja policijskog komesara u rukovođenju Upravom policije iz člana 23. Zakona o unutrašnjim poslovima i o tome izvještava Skupštinu Kantona Sarajevo;
- (4) ako procijeni za potrebnim može izvršiti neposredni uvid u akte i predmete Uprave policije u skladu sa članom 47.navedenog Zakona;
- (5) predlaže smjenu policijskog komesara Vladi Kantona u skladu sa Zakonom o unutrašnjim poslovima;
- (6) vodi prvostepeni disciplinski postupak protiv policijskog komesara i izriče disciplinske sankcije;
- (7) prima, razmatra i postupa po podnesenim žalbama na rad policijskog komesara;
- (8) usvaja Poslovnik o radu Nezavisnog odbora;
- (9) sačinjava izvještaje o radu Nezavisnog odbora svakih šest mjeseci i dostavlja ih Skupštini Kantona na razmatranje;
- (10) sačinjava detaljan tromjesečni izvještaj o radu policijskog komesara, koji dostavlja Skupštini Kantona;
- (11) po potrebi razmjenjuje informacije, podatke, dokumente po pojedinim predmetima sa Komisijom za sigurnost Skupštine Kantona Sarajevo;
- (12) obavlja druge poslove propisane Zakonom o unutrašnjim poslovima Kantona Sarajevo, Zakonom o policijskim službenicima Kantona Sarajevo i drugim propisima.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)

## II–Normativni dio

Tokom izvještajnog perioda Nezavisni odbor je:

- sačinio detaljan tromjesečni Izvještaj o radu policijskog komesara za period: juli-septembar 2022. godine, i uputio ga Skupštini Kantona Sarajevo.

S obzirom da je detaljan tromjesečni izvještaj o radu policijskog komesara materijal informativnog karaktera, isti nisu razmatrani na sjednici Skupštine Kantona Sarajevo.

U vršenju zadataka iz svoje nadležnosti, Nezavisni odbor je donosio zaključke, sačinjavao odgovore, informacije, tražio dostavljanje informacija i podataka, sačinjavao i druge akte iz svoje nadležnosti, te redovno obavještavao javnost o svom radu.

**Nezavisni odbor je u izvještajnom periodu, i to dana 15.08.2022. godine, pod djelovodnim brojem: 01-04-7188-20/22, Vladi Kantona Sarajevo podnio Prijedlog za smjenu policijskog komesara Selimović Nusreta.**

Početkom izvještajnog perioda, Nezavisni odbor je dana 28.06.2022. godine pod djelovodnim brojem: 01-04-7188-5-1/22 sačinio, te uputio na realizaciju Policijskom komesaru novousvojenju Metodologiju izvještavanja o radu Policijskog komesara. Naime, nakon što je Nezavisni odbor izvršio detaljnu analizu do tada zaprimljenih izvještaja o radu Policijskog komesara Uprave policije MUP KS, na sjednici Nezavisnog odbora je donesena odluka da se formira radna grupa sa ciljem sačinjavanja nove metodologije o izvještavanju Nezavisnog odbora, koja bi sadržavala informacije koje su neophodne Nezavisnom odboru da što kvalitetnije sagleda rad Policijskog komesara, odnosno radi osiguranje stručnog, objektivnog i nepristrasnog praćenja rada policijskog komesara, kao i vršenja nadzora nad primjenom ovlaštenja Policijskog komesara u rukovođenju Upravom policije sukladno odredbi člana 25. ZOUP KS, a koje obaveze Policijskog komesara proizilaze iz odredbe člana 23. ZOUP KS. U sastav navedene radne grupe ušli su članovi Nezavisnog odbora: Adis Šečić, Branislav Bunjevac i Jasmin Idrizović, koji su sačinili, a Nezavisni odbor na svojoj redovnoj sjednici usvojionovu Metodologiju izvještavanja o radu Policijskog komesara, a kojamnogo kvalitetnije i sveobuhvatnije dajesliku o radu i rukovođenju Upravom policije MUP KS od strane Policijskog komesara.

## III - Tematski dio

Tokom izvještajnog perioda, Nezavisni odbor je održao 5 redovnih, te 1 vanrednu sjednicu.



## ŠESTA SJEDNICA (28.07.2022. godine)

Šesta sjednica Nezavisnog odbora, održana je dana 28.07.2022. godine u prostorijama Skupštine Kantona Sarajevo, isjednici su prisustvovali svi članovi Nezavisnog odbora, kao i policijski komesar Nusret Selimović, te je jednoglasno usvojen sljedeći dnevni red;

1. Usvajanje Zapisnika sa PETE sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec juni 2022. godine;
3. Informacija o aktivnostima Uprave policije MUP-a Kantona sarajevo za period januar-juni 2022. godine;
4. Izvještaj o radu policijskog komesara Uprave policije Ministarstva unutrašnjih posolva Kantona Sarajevo za vremenski period april -juni 2022. godine;
5. Akt policijskog komesara broj 02-67/22 od 18.07.2022. godine;
6. Informacija o događaju ispred Narodnog pozorišta broj 02-58/22 od 04.07.2022. godine;
7. Odgovor službenika za informisanje Tarika Kršlaka;
8. Razno.

Pod tačkom 1. Dnevnog reda jednoglasno je usvojen zapisnika sa PETE sjednice Nezavisnog odbora.

Pod tačkom 2. Dnevnog reda, koja se tiče aktivnosti Uprave policije MUP KS za juni 2022. godine, prisutne je izvjestio Policijski komesar Nusret Selimović, a članovi Nezavisnog odbora su se uključili u raspravu, nakon čega je policijski komesar Nusret Selimović dao određena pojašnjenja i odgovorio na postavljena pitanja, nakon čega su članovi Nezavisnog odbora primili k znanju Informaciju o radu Uprave policije za juni 2022. godine.

Pod tačkom 3. Dnevnog reda, Policijski komesar je izložio Informaciju o aktivnostima Uprave policije MUP-a KS za period januar-juni 2022. godine, koje su primljene k znanju.

Pod tačkom 4. Dnevnog reda, koja se odnosi na Izvještaj o radu policijskog komesara Uprave policije Ministarstva unutrašnjih posolva Kantona Sarajevo za period april -juni 2022. godine, donesen je zaključak da se isti ostavlja je za narednu sjednicu.

Pod tačkom 5. Dnevnog reda, koja se odnosi na zaprimljeni akt policijskog komesara broj: 02-67/22 od 18.07.2022. godine, provedena je diskusija o metodologiji izrade izvještaja od strane Policijskog komesara, te zaprimljenog akta policijskog komesara broj: 02-67/22 od 18.07.2022. godine. U tom aktu Policijski komesar iznosi (kako on smatra) opravdane primjedbe u vezi nove metodologije izvještavanja koju je donio Nezavisni odbor. Uslijedila je rasprava u kojoj su učestvovali svi članovi Nezavisnog odbora, te je Nezavisni odbor zauzeo stav da će se upoznati sa primjedbama na usvojenu metodologiju, ali kako je nova metodologija izrade izvještaja usvojena od strane Nezavisnog odbora, izvještavanje Policijskog komesara prema njoj se mora primjenjivati od 01.07.2022. godine.

Pod tačkom 6. Dnevnog reda, koja se tiče Informacije o događaju ispred Narodnog pozorišta broj 02-58/22 od 04.07.2022. godine, istu je detaljnije obrazložio Policijski komesar, te je ista primljena k znanju.



Pod tačkom 7. Dnevnogreda, razgovarano je o odgovoru službenika za informisanje MUP KS Tarika Kršlaka, koji je na neprofesionalan način dostavio odgovorio Nezavisnom odboru na upite. Kako je isti zaposlen u kabinetu ministra MUP-a KS, Policijski komesar i Uprava policije nemaju nikakav dodir sa ovim službenikom.

Pod tačkom 8. Dnevnog reda razgovarano je o daljim smjernicama koje će poduzeti članovi Nezavisnog odbora u slučaju penzionisanja Policijskog komesara. Istaknuto je da je pored FZ PIO/MIO treba uključiti i administraciju PIO/MIO Sarajevo, kao i kadrovsku službu u MUP-a Kantona Sarajevo, kako bi se utvrdilo činjenično stanje. (naime prema podacima F MIO/PIO i administracije PIO/MIO Sarajevo dolazi se do različitih podataka o penzionom stažupolicijskog komesara).

Tokom sjednice, Predsjedavajući Nezavisnog odbora upoznao je Policijskog komesara sa aktom koji je Nezavisni odbor zaprimio od strane FZ PIO/MIO Mostar o ispunjavanju uslova za penziju policijskog komesara Selimović Nusreta, te tražionjegovo očitovanje. Tom prilikom je Policijskom komesaru uručena zaprimljena obavjest FZ MIO/PIO broj:FZ 3/5/1-45-3-1763-3/22 od 21.07.2022. godine, sa zahtjevom da se u roku od 7 dana izjasni po ovoj obavjesti sa konkretnom dokumentacijom.

**Dana 10.08.2022. godine, nakon odobrenog produženja roka za dostavljanje traženih podataka od strane Nezavisnog odbora, Policijski komesar Nusret Selimović je dostavio Informaciju broj: 02-76/22 od 10.08.2022. godine, a u vezi Obavjesti FZ MIO/PIO broj:FZ 3/5/1-45-3-1763-3/22 od 21.07.2022. godine.**

#### **PRVA VANREDNA SJEDNICA (12.08.2022. godine)**

Prva vanredna sjednica Nezavisnog odbora održana je dana 12.08.2022. godine u prostorijama Skupštine Kantona Sarajevo, te su na istoj prisustvovali svi članovi Nezavisnog odbora, dok je jednoglasno usvojen sljedeći Dnevni red:

1. Akt Federalnog zavoda za penzijsko i invalidsko osiguranje broj: FZ 3/5/1-45-3-1763-3/22 od 21.07.2022. godine, te Informacija policijskog komesara broj: 02-76/22 od 10.08.2022. godine.

Nakon što je Nezavisni odbordana 27.07.2022. godine, zaprimio akt Federalnog zavoda za penzijsko i invalidsko osiguranje broj: FZ 3/5/1-45-3-1763-3/22 od 21.07.2022. godine, u kojem je navedeno da policijski komesar Nusret Selimović na dan 01.07.2022. godine ima ukupno 40 godina, 0 mjeseci, 17 dana staža osiguranja, ista Obavjest je na Šestoj sjednici Nazavisnog odbora održanoj dana 28.07.2022. godine uručena Policijskom komesaru, koji nam je po našem zahtjevu za izjašnjanje dostavio Informaciju i svoje Izjašnjenje na dan 10.08.2022. godine.

Na sjednici je otvorena rasprava u svezi sa zaprimljenim aktom FZ PIO/MIO, te Informaciji policijskog komesara, koja je dostavljena kao očitovanje po zahtjevu Nezavisnog odbora, te je nakon provedene rasprave **Nezavisni odbor je jednoglasno donio zaključak:**



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)



Na osnovu člana 49. tačka 1, a u vezi sa članom 48. stav 1. tačka h) Zakona o unutrašnjim poslovima Kantona Sarajevo (Službene novine Kantona Sarajevo br. 1/2016, 6/2019 - autentično tumačenje, 26/2019, 31/2019 i 39/2020) i člana 8. stav. 1. tačka 5. Poslovnika o radu Nezavisnog odbora (Službene novine Kantona Sarajevo br. 13/2022), **Nezavisni odbor podnosi prijedlog za smjenu Policijskog komesara Vladi Kantona Sarajevo, a iz razloga jer su ispunjeni uslovi za prestanak radnog odnosa propisani članom 118. stav 1. tačka d) Zakona o policijskim službenicima Kantona Sarajevo** (Službene novine Kantona Sarajevo br. 38/2018, 26/2019 i 39/2020), jer Policijski komesar Nusret Selimović ispunjava 40 godina staža osiguranja, a što proizilazi iz obavijesti FZ PIO/MIO broj: FZ 3/5/1-45-3-1763-3/22 od 21.07.2022. godine, prema kojoj na dan 01.07.2022. godine Policijski komesar Nusret Selimović ima ukupno 40 godina o mjeseci i 17 dana staža osiguranja.

**Dana 15.08.2022. godine, Nezavisni odbor je Prijedlog za smjenu Policijskog komesara Selimović Nusreta dostavio v.d. ministra MUP KS Omeru Osmanoviću, a radi dostavljanja Vladi KS, sukladno odredbi člana 49. ZOUP KS.**

### **SEDMA SJEDNICA (28.09.2022. godine)**

Sedma sjednica Nezavisnog odbora je održana dana 28.09.2022. godine u prostorijama Skupštine Kantona Sarajevo, i na sjednici su prisustvovali svi članovi Nezavisnog odbora, kao i policijski komesar Nusret Selimović, te je jednoglasno usvojen sljedeći Dnevni red:

1. Usvajanje zapisnika sa ŠESTE sjednice Nezavisnog odbora;
2. Usvajanje zapisnika sa PRVE hitne sjednice Nezavisnog odbora;
3. Izvještaj o radu policijskog komesara Uprave policije MUP-a Kantona Sarajevo zavremenski period april-juni 2022. godine;
4. Informacija o aktivnostima Uprave policije MUP-a Kantona Sarajevo za mjesec juli 2022. godine;
5. Informacija o aktivnostima Uprave policije MUP-a Kantona Sarajevo za mjesec august 2022. godine;
6. Šestomjesečni izvještaj o radu Nezavisnog odbora;
7. Informacija FUP-a broj 09-10-10/1-03-3-2868/22 od 18.08.2022. godine;
8. Akt udruženja Sindikat policijskih službenika i namještenika Kantona Sarajevo broj:45/22 od 22.08.2022. godine;
9. Informacija Uprave policije MUP-a Kantona Sarajevo sačinjena na okolnosti intervencijepolicijskih službenika dana 14.08.2022. godine u ulici Reisa Džemaludina Čauševića, općina Centar;
10. Razno.

Pod tačkom 1. Dnevnog reda jednoglasno je usvojen zapisnika sa ŠESTE sjednice Nezavisnog odbora.

Pod tačkom 2. Dnevnog reda jednoglasno je usvojen zapisnika sa PRVE HITNE sjednice Nezavisnog odbora





Pod tačkom 3. Dnevnog reda, Policijski komesar Nusret Selimović je izložio svoj izvještaj o radu za period april-juni 2022. godine. Tokom vremenskog perioda od 01.04.2022. do 30.06.2022. godine, kao policijski komesar Uprave policije Ministarstva unutrašnjih poslova Kantona Sarajevo preduzeo je mjere iradnje koje se odnose na različite sastanke sa predstavnicima: Vlade Kantona Sarajevo, predstavnicima međunarodnih agencija i ambasada stranih država u Bosni i Hercegovini, predstavnicima drugih policijskih agencija u Bosni i Hercegovini, predstavnicima Općinskog suda u Sarajevu, te nastavio sa saradnjom putem usmene i pismene komunikacije sa tužiocima Tužilaštva Bosne i Hercegovine, tužiocima Kantonalnog tužilaštva Kantona Sarajevo, vladinim i nevladinim organizacijama i medijima. U periodu od 14.04 do 25.04.2022. godine, te od 13.06.2022. do 17.06.2022. godine koristio je godišnji odmor, dok je obaveze koje se odnose na rukovođenje i predstavljanje Uprave policije unavedenom periodu putem rješenja prenio na načelnika Sektora za policijsku podršku, glavnog inspektora Hasanović Muhameda. Kako nije bilo diskutanata Nezavisni odbor je prihvatio ovaj Izvještaj k znanju.

Pod tačkama 4. i 5. Dnevnog reda, članove Nezavisnog odbora je o aktivnostima Uprave policije MUP-a Kantona Sarajevo za period juli i august 2022. godine, izvjestio Policijski komesar Nusret Selimović, a članovi Nezavisnog odbora su se uključili u raspravu, tokom koje je Policijski komesar Nusret Selimović dao određena pojašnjenja, te odgovorio na postavljena pitanja, nakon čega su članovi Nezavisnog odbora primili k znanju Informacije o radu Uprave policije za period juli i august 2022. godine.

Pod tačkom 6. Dnevnog reda, Nezavisni odbor je zadužio predsjedavajućeg da pripremi prijedlog šestomjesečnog Izvještaja o radu Nezavisnog odbora, za period mart-septembar 2022. godine.

Pod tačkom 7. Dnevnog reda, primljena je k znanju Informacija FUP-a broj: 09-10-10/1-03-3-2868/22 od 18.08.2022. godine.

Pod tačkom 8. Dnevnog reda, Nezavisni odbor je po aktu udruženja Sindikat policijskih službenika i namještenika Kantona Sarajevo broj: 45/22 od 22.08.2022. godine, zauzeo stav kako je nenadležan po navedenoj stvari budući da je novoformirani sindikat upitan po pitanju reprezentativnosti, te je zauzeto stajalište Nezavisnog odbora da ukoliko predmetni Sindikat ima saznanja o bilo kakvim poduzetim radnjama Policijskog komesara koje su nezakonite, da iste mogu dostaviti Nezavisnom odboru na nadležno postupanje.

Pod tačkom 9. Dnevnog reda, koja se odnosi na Informaciju Uprave policije MUP-a Kantona Sarajevo sačinjene na okolnosti intervencije policijskih službenika dana 14.08.2022. godine u ulici Reisa Džemaludina Čauševića, općina Centar Sarajevo, kada je prilikom intervencije oštećeno vozilo MUP KS od strane Arnautović Admira zvanog Šmrk, Policijski komesar je Nezavisni odbor upoznao da je naredio pokretanje internog postupka u cilju utvrđivanja moguće disciplinske odgovornosti policijskih službenika, a kako bi se utvrdilo stvarno stanje.

Pod tačkom 10. Dnevnog reda, Predsjedavajućije obavjestio članove Nezavisnog odbora da je dana 28.09.2022. godine, telefonskim kontaktirao v.d. ministra MUP-a Kantona Sarajevo Omera Osmanovića u cilju dobijanja informacije po prijedlogu Nezavisnog odbora zasmjenu Policijskog komesara Selimović Nusreta, a koji Prijedlog mu je radi upućivanja Vladi KS dostavljen dana 15.08.2022. godine, i u kom razgovoru je Predsjedavajućije obavješten da je v.d. ministar navrijeme, i u zakonom propisanom roku prijedlog dostavio Vladi Kantona Sarajevo na dalje postupanje, te da će Vlada Kantona Sarajevo u narednom periodu informisati Nezavisni odbor o odluci po prijedlogu Nezavisnog odbora.



Pod tačkom 10. Dnevnog redaraspripravljano je i o Zahtjevu za dostavljanje dokumentacije koji je Nezavisnom odboru dostavljen od strane advokata Vasvije Vidović i Nine Karačić, a u vezi istrage koja se vodi protiv Dalide Burzić. Nakon upoznavanja sa sadržajem dopisa, Nezavisni odbor je donio zaključak kako je neophodno pažljivo analizirati Zahtjev, a potom utvrditi obaveze Nezavisnog odbora.

## OSMA SJEDNICA (25.10.2022. godine)

Osma sjednica Nezavisnog odbora, održana je dana 25.10.2022. godine u prostorijama Skupštine Kantona Sarajevo, i na sjednici su prisustvovali svi članovi Nezavisnog odbora, dok sjednici nije nazočio policijski komesar, te je jednoglasno usvojen sljedeći Dnevni red:

1. Usvajanje zapisnika sa SEDME sjednice Nezavisnog odbora;
2. Izvještaj o radu Nezavisnog odbora za period mart-septembar 2022. godine;
3. Izvještaj o radu policijskog komesara za vremenski period april-juni 2022. godine;
4. Dopis advokatima Vasviji Vidović i Nini Karačić;
5. Razno.

Pod tačkom 1. Dnevnog reda, jednoglasno je usvojen zapisnik sa SEDME sjednice Nezavisnog odbora.

Pod tačkom 2. Dnevnog reda, jednoglasno je usvojen Izvještaj o radu Nezavisnog odbora za period mart-septembar 2022. godine.

Pod tačkom 3. Dnevnog reda, jednoglasno je usvojen Izvještaj o radu Policijskog komesara za vremenski period april-juni 2022. godine.

Pod tačkom 4. Dnevnog reda, Nezavisni odbor je donio odluku da se djelimično udovolji Zahtjevu advokata Vasvije Vidović i Nine Karačić, a u vezi istrage koja se pred Tužilaštvom BiH vodi protiv bivše Glavne kantonalne tužiteljice Dalide Burzić. Naime u odgovoru advokatima, Nezavisni odbor je dostavio diostenograma sa ročišta u prvostepenom disciplinskom postupku koji je pred Nezavisnim odborom vođen protiv bivšeg Policijskog komesara Čosić Vahida, i to kao dokaz da je tadašnja Glavna kantonalna tužiteljica Dalida Burzić saslušana kao svjedok u disciplinskom postupku pred tadašnjim sazivom Nezavisnog odbora. U vezi ostalih zahtjeva koje su podneskom tražile braniteljice Dalide Burzić, upućene su da se radi pribavljanja tražene dokumentacije koja je u posjedu Nezavisnog odbora, obrate Kantonalnom tužilaštvu Kantona Sarajevo i Vladi Kantona Sarajevo, koji su skriptori traženih dokumenata.

Pod tačkom 5. Dnevnog reda, razgovarano je o dostavljenom Izvještaju o radu Policijskog komesara Uprave policije MUP KS za vremenski period juli-septembar 2022. godine, a koji je trebao biti sačinjen prema novoj metodologiji izvještavanja koju je usvojio Nezavisni odbor na sjednici održanoj dana 28.06.2022. godine, i koja je dostavljena Policijskom komesaru Selimović Nusretu, sa uputom da se prema njoj ubuduće sačinjavaju Izvještaji o radu policijskog komesara, i to aktom Nezavisnog odbora broj: 01-04-7188-5-1/22 od dana 28.06. 2022. godine. Tokom provedene diskusije, većina članova Nezavisnog odbora iznijela je stajalište da dostavljeni Izvještaj Policijskog komesara u brojnim segmentima nije sačinjen u skladu sa novousvojenom metodologijom Nezavisnog odbora izradu izvještaja o radu Policijskog komesara.



## **DEVETA SJEDNICA (08.11.2022. godine)**

Deveta sjednica Nezavisnog odbora održana je dana 08.11.2022. godine u prostorijama Skupštine Kantona Sarajevo, i na istoj su prisustvovali svi članovi Nezavisnog odbora, kao i policijski komesar, te je jednoglasno usvojen sljedeći Dnevni red:

1. Usvajanje Zapisnika sa OSME sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec septembar 2022. godine;
3. Informacija o aktivnostima uprave policije ministarstva unutrašnjih poslova kantona zajanuar-septembar 2022. godine;
4. Izvještaj o radu policijskog komesara za vremenski period juli-septembar 2022. godine;
5. Razno.

Pod tačkom 1. Dnevnog reda, jednoglasno je usvojen zapisnik sa OSME sjednice Nezavisnog odbora.

Pod tačkom 2. Dnevnog reda, koja se odnosi na aktivnosti Uprave policije MUP-a KS u septembru 2022. godine prisutne je izvjestio Policijski komesar Nusret Selimović, a članovi Nezavisnog odbora su se uključili u raspravu, nako nčega je policijski komesar Nusret Selimović dao određena pojašnjenja I odgovorio na postavljena pitanja, tesučlanovi Nezavisnog odbora primili k znanju Informaciju o radu Uprave policije za septembar 2022. godine.

Pod tačkom 3. Dnevnog reda, odnosno Informacije o aktivnostima uprave policije MUP KS za period januar- septembar 2022. godine, Policijski komesar Nusret Selimović je članove Nezavisnog odbora izvijestio o sttističkim i uporednim pokazateljima o broju evidentiranih krivičnih djela i saobraćajnih nezgoda u navedenom periodu sa istim periodom 2021. godine, te je Nezavisni odbor bez rasprave primio k znanju Informaciju o aktivnostima Uprave policije MUP-a Kantona Sarajevo za period januar- septembar 2022. godine.

Pod tačkom 4. Dnevnog reda, provedena je rasprava, nakon koje su članovi Nezavisnog odbora jednoglasno usvojili Izvještaj o radu policijskog komesara za period juli-septembar 2022. godine.

Pod tačkom 5. Dnevnog reda, na inicijativu Branislava Bunjevca, koji je predložio da se razmisli o izmjenama Poslovnika o radu, zaključeno je da će se o istome razgovarati na jednoj od sljedećih sjednica, dok je predloženo i da Nezavisni odbor otvori svoju e-mail adresu.

## **DESETA SJEDNICA (20.12.2022. godine)**

Deseta sjednica Nezavisnog odbora održana je dana 20.12.2022. godine u prostorijama Skupštine Kantona Sarajevo, i na sjednici su prisustvovali svi članovi Nezavisnog odbora, kao i Policijski komesar Nusret Selimović, te je jednoglasno usvojen sljedeći Dnevni red:

1. Usvajanje Zapisnika sa DEVETE sjednice Nezavisnog odbora;



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)

2. Informacija o aktivnostima Uprave policije MUP-a Kantona Sarajevo za mjesec oktobar 2022. godine;
3. Informacija o aktivnostima Uprave policije MUP-a Kantona Sarajevo za mjesec novembar 2022. godine;
4. Izmjene Poslovnika o radu Nezavisnog odbora Skupštine Kantona Sarajevo /“Službene novine Kantona Sarajevo“ broj 13/22;
5. Ostavka Predsjedavajućeg Nezavisnog odbora;
6. Izbor Predsjedavajućeg Nezavisnog odbora;
7. Akt Ureda za borbu protiv korupcije i upravljanje kvalitetom broj 20-04-230-1986/22 od dana 21.11.2022. godine;
8. Akt Institucije Ombudsmena za ljudska prava BiH broj Ž-SA-04-1385/19 od 19.11.2022. godine ;
9. Akt Sindikata policijskih službenika, državnih službenika i namještenika Kantona Sarajevo;
10. Odluka Vlade Kantona Sarajevo;
11. Akt ministra Ministarstva unutrašnjih poslova;
12. Izvještaj o radu policijskog komesara za vremenski period juli-septembar 2022. godine;
13. Razno.

Pod tačkom 1. Dnevnog reda jednoglasno je usvojen Zapisnik sa DEVETE sjednice Nezavisnog odbora.

Pod tačkama 2. i 3. Dnevnog reda, koje se odnose na aktivnosti Uprave policije za period oktobar i novembar 2022. godine, prisutne je izvjestio Policijski komesar Nusret Selimović, a članovi Nezavisnog odbora su se uključili u raspravu nakon čega je Policijski komesar Nusret Selimović dao određena pojašnjenja i odgovorio na postavljena pitanja, te su članovi Nezavisnog odbora primili k znanju Informacije o radu Uprave policije za oktobar i novembar 2022. godine.

Pod tačkom 4. Dnevnog reda, koja se odnosi na izmjene i dopune Poslovnika o radu Nezavisnog odbora, provedena je diskusija u kojoj su učestvovali svi članovi Nezavisnog odbora, koji su nakraju jednoglasno podržali predložene izmjene i dopune Poslovnika o radu Nezavisnog odbora.

Pod tačkom 5. Dnevnog reda, predsjedavajući Kenan Kapo zahvalio se prisutnim članovima Nezavisnog odbora na saradnji, te naveo kako zbog ličnih razloga podnosi ostavku na navedenu poziciju, dok će u budućnosti nastaviti obavljati dužnost člana Nezavisnog odbora, nakon čega su članovi Nezavisnog odbora prihvatili njegovu ostavku.

Pod tačkom 6. Dnevnog reda, za predsjedavajućeg Nezavisnog odbora do isteka mandata je od strane članova Nezavisnog odbora, sukladno Poslovniku o radu izabran Adis Šečić.

Pod tačkom 7. Dnevnog reda, članovi Nezavisnog odbora proveli su raspravu o dostavljenom aktu Ureda za borbu protiv korupcije i upravljanje kvalitetom KS broj: 20-04-230-1986/22 od dana 21.11.2022. godine, koji se odnosi na anonimnu prijavu protiv Policijskog komesara Selimović Nusreta. Kroz raspravu je zauzet stav Nezavisnog odbora, da je Ured za borbu protiv korupcije i upravljanje kvalitetom KS sukladno odredbi člana 5. dato ovlaštenje, i da je dužan poduzeti radnje iz svoje nadležnosti u svrhu kompletiranja predmetnog podneska, odnosno budući da se radi o anonimnoj predstavi bez priloženih dokaza, da je potrebno da Ured poduzme radnje iz svoje nadležnosti, te predmetnu prijavu upotpuni dokumentacijom koja se odnosi na izjašnjenja lica navedenih u predstavi, eventualnim dokazima i drugom dokumentacijom kojom se potkrepljuju činjenični navodi iz anonimne predstave, te ukoliko kroz poduzimanje mjera i radnji iz svoje





nadležnosti utvrde eventualne nepravilnosti u postupanju Policijskog komesara, da informaciju o tome sa prilogom dokumentacije dostave na nadležno postupanje Nezavisnom odboru.

Pod tačkom 8. Dnevnog reda, odnosno Aktu Ombudsmena za ljudska prava BiH broj: Ž-SA-04-1385/19 od 19.11.2022.godine, kojim aktom su tražena određena stanovišta u pogledu odluka predhodnih saziva Nezavisnog odbora, članovi Nezavisnog odbora su nakon provedene rasprave zauzeli stav kako ovaj Nezavisni odbor nije nadležan za davanje stanovišta, posebice jer ne postoji kontinuitet članova Nezavisnog odbora, dok je povodom akta veze sačinjen Odgovor Uredu ombudsmena, kojim su pozvani dapeutem telefona sa Sekretarom Nezavisnog odbora dogovore termin koji im odgovara, akako bi zbog obimnosti dokumentacije koju traže, a nisu je specificirali, i koja je u posjedu Nezavisnog odbora, odredili onu dokumentaciju koja im je potrebna za nadležno postupanje, akoja će im potom biti kopirana od strane Sekretara, te dostavljena naslovno na njihov akt veze.

Pod tačkom 9. Dnevnog reda, zauzet je stav Nezavisnog odbora da se od Policijskog komesara zatraži informacija da li je navedeni Sindikat reprezentativan, da li ima legitimno pravo predstavljanja i istupanja u javnosti u ime članova istog.

Pod tačkom 10. Dnevnog reda, Nezavisni odbor je zauzeo stav da Odluku Vlade KS kojom se ODBIJA smjena Policijskog komesara Selimović Nusreta treba raspraviti, ali nakon što po zahtjevu za dostavljanje informacija dobijemo odgovor od ministra MUP KS.

Pod tačkom 11. Dnevnog reda, Nezavisni odbor je proveo raspravu po dostavljenom aktu ministra MUP KS, te je temeljem dokumentacije koju ima u posjedu, a koju je sačinilo Odjeljenje za pravne i kadrovske poslove Uprave policije MUP KS pod brojem: 02/5-1-179/22 od 09.08.2022. godina, prema kojoj dokumentaciji Policijski komesar na dan 31.03.2023. godine ispunjava uslove za prestanak radnog odnosa po osnovu 40 godina staža osiguranja, te je Nezavisni odbor donio zaključak, a budući da se prema članu 44. st. 2. Zakona o unutrašnjim poslovima KS, o pojedinačnim pravima i dužnostima

Policijskog komesara koja se odnose na radno-pravni status odlučuje Rješenjem koje donosi ministar, a imajući u vidu da je na osnovu člana 36. stav 2. i 3. Zakona o unutrašnjim poslovima KS Nezavisni odbor dužan najkasnije 3 mjeseca prije isteka mandata imenovanog policijskog komesara pokrenuti postupak odabira i raspisati konkurs za novog policijskog komesara, ispred Nezavisnog odbora je Adis Šečić pripremio dopis kojije upućen ministru MUP KS, kako bi Nezavisni odbor dobio precizne podatke o datumu penzionisanja policijskog komesara.

Pod tačkom 12. Dnevnog reda, provedena je rasprava, nakon koje je Izvještaj o radu policijskog komesara za vremenski period juli-septembar 2022. godine jednoglasno prihvaćen, uz primjedbu jednog člana Nezavisnog odbora na 7. stranici da se izmjenijedna rečenica.

Pod tačkom 13. Dnevnog reda, razgovarano je o donošenju godišnje ocjene rada Policijskog komesara za 2022. godinu, te je donesen Zaključak da radi što objektivnije ocjene rada Policijskog komesara, članovi Nezavisnog odbora pripreme pismena pitanja za Policijskog komesara do dana 05.01.2023. godine, a koja će se potom dostaviti policijskom komesaru na odgovor s rokom od 10 dana. U tom cilju formirana je radna grupa od četiri člana Nezavisnog, čiji je zadatak da izvrši objedinjavanje i sistematizaciju pitanja svih članova Nezavisnog odbora.

***Tokom sjednice Nezavisnog odbora, Policijski komesar Nusret Selimović je od strane Predsjedavajućeg upoznat da će mu u narednom periodu biti upućena određena pitanja u pisanoj formi, a vezano za njegov rad tokom 2022. godine, na koje je potrebno da Nezavisnom odboru***



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax: + 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)

*dostavi pismene odgovore, a sve u cilju kako bi Nezavisni odboršto objektivnije donio godišnju ocjenu rada Policijskog komesara za 2022. godinu.*

#### **IV- Ocjena stanja i postignutih rezultata**

Tokom izvještajnog perioda, Nezavisni odbor je realizirao planirane programske aktivnosti, te je u najvećoj mogućoj mjeri pratio rad Policijskog komesara, i tokroz analizu dostavljenih i traženje potrebnih podataka i informacija od Policijskog komesaračiji rad Nezavisni odbor nadzire, a u skladu sa odredbom člana 45. stav 4. Zakona u unutrašnjim poslovima Kantona Sarajevo (Praćenje rada Policijskog komesara).

Naime u izvještajnom periodu od ukupno održanih pet redovnih sjednica, policijski komesar nije prisustvovao na jednoj sjednici Nezavisnog odbora, dok na Vanrednu sjednicu nije bio pozvan.

U izvještajnom periodu Nezavisni odbor je djelovao isključivo na profesionalnim osnovama, ne zastupajući, ne štiteći, niti podrivajući interese bilo koje političke stranke, registrirane organizacije ili udruženja ili bilo kojeg naroda ili pojedinca. Nezavisni odbor je o svom radu redovno obavještavao javnost putem zvaničnog web-portala Skupštine Kantona Sarajevo, kao i putem sredstava javnog informisanja, te je u cijelosti ispoštovan princip javnosti.

#### **V- Kadrovska i materijalna osposobljenost**

U periodu od jula–decembra 2022. godine, Nezavisni odbor je obavljao poslove i zadatke iz nadležnosti Nezavisnog odbora u punom sazivu. Sjednice Nezavisnog odbora održavane su u obezbjeđenoj sali Skupštine Kantona Sarajevo. Administrativno-tehničke poslove Nezavisnog odbora obavljao je Sekretar koji je uposlenik Stručne službe za skupštinske poslove, a isti je zadužen za čuvanje kompletne arhive Nezavisnog odbora.

#### **VI - Programska orijentacija za naredni period**

U narednom periodu, Nezavisni odbor će kontinuirano obavljati poslove utvrđene Zakonom o unutrašnjim poslovima Kantona Sarajevo, Zakonom o policijskim službenicima, kao i Poslovníkom o radu Nezavisnog odbora, te ostalim pozitivnim propisima, sa osnovnim ciljem postizanja još većeg stepena demokratizacije u radu policije, zaštite ljudskih prava i sloboda građana koji žive ili borave na području Kantona Sarajevo, te u cilju postizanja što većeg nivoa sigurnosti građana Kantona Sarajevo.

Nezavisni odbor predlaže Skupštini Kantona Sarajevo da usvoji Izvještaj o radu Nezavisnog odbora za period juli-decembar 2022.godine.

Broj: 01-04-/23

Sarajevo, 27.04.2023. godine

**PREDSJEDAVAJUĆI NEZAVISNOG ODBORA**

**Adis Šečić**



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax:+ 387 (0) 33 562-210

Web: <http://skupstina.ks.gov.ba>

E-mail: [skupstina@skupstina.ks.gov.ba](mailto:skupstina@skupstina.ks.gov.ba)

14/14